



ATASSUT

UPA14/142

Gerhardt Petersen

03.06.2014

Nunatta pissarititaanik inuussutissanik nunatta avataanit eqqussunneqartunik akimikkut unammillersinnaasunik qanoq ililluta nerinerulernissarput angussinnaavarput. Nunanik allaniit inuussutissat eqqussorneqartut CO2-mik mingutsitsinermut akileraarusersorneratigut nunatta iluani inuussutissanik siammaaneq akikinnerulersissinnaavarput, aqutissat allat orniginartut suusinnaappat.
(Inatsisartunut ilaasortaq Ane Hansen, Inuit Ataqatigiit)

ATASSUT-miit oqallinnissamut siunnersuuteqartoq qutsavigaarput.

Nunatta pissarititaanik inuussutissanik tamatigut ineriartortitsinissaq, aammalu neriasassaattita peqqissutsikkut tunniussa qarluartumik nerisarineqarluartumillu ATASSUT-miit politikikkut pitsanngorsaajuarnissaq anguniakkatta pingaarnert ilagaat.

Soorlu siunnersuuteqartup siunnerfiusinnaallu artumik oqariartuutigigaa, suli tunisassianik avataaneersunik atuinissarput pisariaqartoq.

ATASSUT-miit pingaartutut isigaarput, Naatitat ataasiakkaat savallu neqaa, nunatsinni tunisassiatut avataaniillu eqqussukkatut ullumikkut siumugassaapput. Tamatuma qaavatigut nersussuup neqaa annikitsumik nunatsinni tunisassiarineqartarluni. Taamaattorli nunatsinni tuttup umimmaallu neqaa, puisit neqaat, panertuliallu assigiinngitsut, aalisakkallu, neqinik aalisakkanillu tunisassianut avataaniit eqqussukkanut toqqaannartumik unammillersinnaalernissaat ATASSUT-mit angorusukkatsiugu.



Taamaattorli ATASSUT-miit ilisimavarput, nunatta iluani niuerneq nioqqutissanut eqqussorneqartunut annertunerujartuinnartumik unammillersinnaanerulernissaa annertunerujussuusoq, taamaasillutami inuiaqatigiit kalaallit inuussutissanik avataaniit eqqussukkanik isumalluuteqarnerput annikinneruleraluttuinnarnissaa qanilliartuinnassallugu, neqit pineqarpata, aalisagaappataluunniit, kiisalu nunalerinikkut inerititaappata. Nunarput inooriaatsimut peqqinnartuusumut tulluusimaarutigisinnaasatsinnik assigiinngitsorpassuarnik peqarpoq, annertunerusumillu atorluarsinnaasatsinnik.

Uani oqallisissiami pineqartoq annertunerusumik imminut pilersulerneq, taamalu tunisassiassanik nunatsinneersunik suli annertunerusumik atuilernissaq piunasaqaatitaqarpoq aaliangersimasunik, tassalu nioqqutissianik nakkutilliinerup oqartussaaffeqarfia tamakkiisumik tiginissaa.

Siunnersuuteqartoq isumaqatigaarput pineqartumi siunnerfiusariaqartunik oqariartuutaani. Aammalu ATASSUT-miit malinnaaffigisatsinniippoq Kommuneqarfik Kujallermit nerisassannik illinnarsaaraluni aqqissuussilluartarneq nunalerinermut naatitsinermullu tunngavissaqartitsillualeriartuinnartoq. Taamaattumik taqqavani savaateqarnermi ileqqusut tulluusimaarutigisassavut tapersersortuagassaapput.



Naggataatigut ATASSUT-miit kaammattuutigissavarput, nerisassaatitta
sutigut tamatigut atorluarneqarnerujartortuarnissaat
aqqutissiuunniartuassagipput, taamaasilluta piumasaqaatit tungaasigut
sinaakkusersueqataaffiguarlugu, soorlu matumani oqallisissiami
qitiutinneqartutuut, kiisalu aamma pissusissamisuussaaq aningaasatigut
malitsissai aqqutissiuussiniarnikkut aqqissuunneqarlutik.

Taamatut oqaaseqarluta ATASSUT-miit oqaatsivut pillugit oqallinnermut
qujavugut.